



ՄԱՍՆԱԳԻՏԱԿԱՆ ԿՐԹՈՒԹՅԱՆ  
ՈՐԱԿԻ ԱՊԱՅՈՎՄԱՆ ԱԶԳԱՅԻՆ  
ԿԵՆՏՐՈՆ ԳԻՄՆԱԴՐԱՄ

ANQA-2022/74

**ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

10 հոկտեմբերի 2022 թ. N 74

**ՄԵՍՐՈՊ ՄԱՇՏՈՑ ՀԱՄԱԼՍԱՐԱՆԻ ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ  
ՀԱՎԱՏԱՐՄԱԳՐՄԱՆ ՄԱՍԻՆ**

**Ընդհանուր տեղեկություն հաստատության մասին**

Հաստատության լրիվ անվանումը՝ «Մեսրոպ Մաշտոց Համալսարան» ՍՊԸ  
Գործունեության հասցեն՝ Արցախի Հանրապետություն, ք. Ստեփանակերտ,  
Գ. Նժդեհ փող., 72

Նախորդ հավատարմագրման մասին  
որոշումը և ժամկետը՝ չի ունեցել

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2022թ. հոկտեմբերի 10-ին քննարկեց «Մեսրոպ Մաշտոց Համալսարան» ՍՊԸ-ի (այսուհետ՝ ՄՄՀ, Համալսարան, բուհ) ինստիտուցիոնալ կարողությունների հավատարմագրման հարցը:

**Հավատարմագրման գործընթացի հիմնական փուլերն իրականացվել են հետևյալ ժամկետներում.**

<b>դիմում-հայտի ներկայացում</b>	27 դեկտեմբերի 2019 թ.
<b>ինքնավերլուծության ներկայացում</b>	21 դեկտեմբերի 2021թ
<b>փորձագիտական այցի իրականացում</b>	02-05 մայիսի 2022 թ.
<b>փորձագիտական զեկույցի ներկայացում</b>	18 հուլիսի 2022 թ.
<b>թերությունների վերացման նախնական ծրագրի ներկայացում</b>	01 սեպտեմբերի 2022 թ.

ՄՈՒՀ-ի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագիտական խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Ինստիտուցիոնալ հավատարմագրման 10 չափանիշներից 2-ը՝ **«Կառավարում և վարչարարություն»** և **«Ենթակառուցվածք և ռեսուրսներ»**, գնահատվել են անբավարար:

Հանձնաժողովը, ուսումնասիրելով «Մեսրոպ Մաշտոց Համալսարան» ՍՊԸ-ի կողմից ներկայացված ինստիտուցիոնալ կարողությունների ինքնավերլուծությունը, զեկույցի նախնական տարբերակի վերաբերյալ քոլեջի դիտողությունները և առաջարկությունները, փորձագիտական զեկույցը, զեկույցում նշված թերությունների վերացման գործողությունների ծրագիրը, լսելով քոլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ձևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

#### **1. Առկա են խնդիրներ և ռիսկեր որակավորումների արժանահավատ շնորհման տեսանկյունից, սակայն կան առաջխաղացման միտումներ և օրինակներ**

ՄՄՀ-ում գործող ՄԿԾ-ների առարկայական բովանդակությունը համապատասխանում է ՈԱՇ-ի պահանջներին և բուհի առաքելությանը: ՄՄՀ-ում սկսվել է ՄԿԾ-ների վերամշակում՝ բակալավրական ՄԿԾ-ների համար առկա են քարտեզագրումներ վերջնարդյունքների և ՈԱՇ-ի բնութագրիչների հետ, սակայն մագիստրոսական ՄԿԾ-ները դեռևս վերջնարդյունքահեն չեն, բացակայում են մասնագրերը: Որպես դրական փաստ պետք է նշել, որ որոշ կրթական ծրագրերում առկա են բազմազան դասավանդման մեթոդներ և ուսանողների անհատական առաջադրանքներ: ՄԿԾ-ները կազմելիս իրականացվել է տարբեր բուհերի ՄԿԾ-ների համեմատական վերլուծություն, սակայն դրանք փաստաթղթավորված չեն:

Թեև ՄԿԾ-ների իրականացման շրջափուլը դեռևս չի ավարտվել, սակայն իրականացվում է կրթական ծրագրերի ընթացիկ մշտադիտարկում և հայտնաբերվել են որոշակի խնդիրներ, որոնք արդեն գտնվում են բարելավման փուլում:

ՄՄՀ-ի շրջանավարտների 37 % աշխատում է ըստ մասնագիտության, ինչը վկայում է իրենց պահանջված լինելը աշխատաշուկայում:

ՄՄՀ-ն ՊԴ կազմի կայունության պահպանման խնդիր ունի, ինչը պայմանավորված է մի շարք գործոններով, ինչպես օրինակ՝ այլ բուհերում աշխատանքի անցնելը, 44-օրյա պատերազմից հետո Արցախից մեկնելը և այլն:

ՊԴ կազմի մասնագիտական որակներին ներկայացվող պահանջները ձևակերպված չեն կոնկրետ կրթական ծրագրերի համար:

Աշխատելով բարդ պայմաններում՝ համալսարանը կարողանում է նաև իրականացնել ՊԴ կազմի վերապատրաստման գործընթաց, մեծ տեղ է հատկացնում առցանց դասախոսությունների կազմակերպմանը ՀՀ-ի և արտերկրի մասնագետների ներգրավմամբ:



Ուսանողների շրջանում անցկացված հարցումների արդյունքում ՊԴ կազմը բարձր է գնահատվել: Իրականացվում են դասախոսումներ, որոնք հանդիսանում են կարիքների վերահանման հիմնական գործիք և դրանց միջոցով վերահսկվում է երիտասարդ դասախոսների մասնագիտական աճը, ինչպես նաև վեր են հանվում նրանց վերապատրաստման կարիքները:

Բուիը վարում է գիտական աստիճան և կոչում ունեցող դասախոսներին բարձր աշխատավարձով շահագրգռելու քաղաքականություն: Պատերազմի հետևանքով ի հայտ է եկել դասախոսական կազմի պակաս: Բուիը ունի ՊԴ կազմի համալրման, վերապատրաստման և գնահատման կարգեր: Սահմանված են դասախոսական կազմի պարբերաբար գնահատման ընթացակարգեր: Երիտասարդ դասախոսների համար նշանակվում են մենթորներ, իրականացվում դասախոսումներ: Առկա են դասախոսման հաշվետվությունները:

Ռեսուրսային բազան այս պահին չի կարող բավարար լինել ԿԾ-ի կազմակերպման համար:

**2. Կառավարման համակարգը ձևավորման փուլում է, առկա են զարգացման միտումներ. կառավարման ու որակի ապահովման համակարգերը միտված են որակի բարելավմանը, որակավորումների արժանահավասար շնորհմանը:**

ՄՄՀ-ում բացակայում է արդյունավետության ցուցիչների վրա հիմնված ռազմավարական կառավարումը, ինչպես նաև ռիսկերի կառավարման համակարգը: Բուիը չի իրականացնում իր վրա ազդող գործոնների ուսումնասիրություն, այլ իրականացնում է իրավիճակային կառավարում:

2013թ.-ց սկսած բուիը թևակոխել է գործունեության կանոնակարգման նոր մակարդակ, առկա են գրեթե բոլոր գործառույթների կանոնակարգերը:

2019-2023թթ. ՌԾ-ն համապատասխանում է ՈԱԾ-ի պահանջներին և ղեկավարությունը առաջնորդվում է դրանով:

Բուիը ունի կրթական ու այլ նպատակների իրականացման համար որոշակի մարդկային ռեսուրսներ, սակայն վարչական անձնակազմի թվաքանակը սահմանափակ է և մի շարք գործառույթներով գերձանրաբեռնված: Նյութական և ֆինանսական ռեսուրսները խիստ սահմանափակ են, սակայն բուիը փորձում է հնարավորինս օգտագործել դրանք ռազմավարական նպատակների իրագործման համար:

Առկա են տվյալների հավաքագրման մեխանիզմներ, սակայն դեռևս դրանց արդյունավետության գնահատում չի իրականացվում:

Կառավարման համակարգը կարևորում է որակի ապահովման գործընթացները և արդեն իսկ բավականին ներդրում ունի այդ ուղղությամբ: Որակի ապահովման համակարգն աջակցում է կրթության որակի բարելավման գործընթացներին:

**3. Միջազգայնացումն ու հեղափոխական/սպեղծագործական գործունեությունը բավարար չեն աջակցում որակավորումների արժանահավասար շնորհմանը.**

Հաշվի առնելով Արցախում առկա օբյեկտիվ հիմնախնդիրները՝ կարելի է փաստել, որ ՄՈՒՀ-ը գործուն քայլեր է ձեռնարկել հետազոտական, ստեղծագործական միջավայրը, միջազգայնացումը, արտաքին կապերը և շահակիցների հետ հետադարձ կապը զարգացնելու ուղղությամբ:

Բուիը չունի գիտահետազոտական ոլորտին առնչվող առանձին ռազմավարություն, սակայն իր ՌԾ-ում և դրա ներդրման պլանում հստակեցրել է գիտահետազոտական ոլորտում իր հետաքրքրությունը՝ գերակա ուղղություն ճանաչելով Կովկասագիտությունը, ինչը ՄՄՀ-ի նման համալսարանի համար կարևոր է, քանի որ հնարավորություն է տալիս կենտրոնացնել գիտական ներուժը և սակավ միջոցները: 2015թ-ին բացվել է Կովկասագիտության կենտրոնը, կրթական ծրագրերում ներդրվել է



«Շտապօգնության մեթոդաբանություն» դասընթացը: Ինքնուրույն աշխատանքների ձևաչափով հետազոտական բաղադրիչ է ներառվել նաև տարբեր դասընթացներում:

2006 թվականից համալսարանում հրատարակվում է «Գիտական տեղեկագիր» գիտական հոդվածների ժողովածուն, որը ՀՀ ԲՈՀ-ի կողմից ընդգրկվել է ատենախոսությունների հիմնական արդյունքների և դրույթների հրատարակման համար ընդունելի պարբերական գիտական հրատարակությունների ցանկում:

Համալսարանում առկա է հաշվետվողականության մշակույթ, սակայն հաշվետվությունները գերազանցապես նկարագրողական են, փաստեր արձանագրող: Բուհն ընթացակարգերի, գործընթացների թափանցիկությունը և հասանելիությունն ապահովում է համալսարանի պաշտոնական կայքէջի, ֆեյսբուքյան էջի, տարբեր սոցիալական ցանցերի միջոցներով:

ՄՄՀ-ն կարևորում է հանրային ծառայությունների մատուցումը՝ մասնավորապես լրացուցիչ դասընթացների միջոցով: Բուհը պայմանագրեր ունի Կարմիր Խաչի և Արցախում գործող մի շարք այլ կազմակերպությունների հետ՝ մատուցելու լրացուցիչ ծառայություններ/դասընթացներ նրանց աշխատակիցների համար: Համալսարանը կարևորում է հասարակության կրթական, գիտական և մշակութային մակարդակի բարձրացումը: Իրականացվում են կարճաժամկետ դասընթացներ, արտաքին և ներքին շահակիցների կողմից:

ՄՄՀ-ը չունի արտաքին կապերի զարգացմանը և միջազգայնացմանը վերաբերող մշակված քաղաքականություն: Իր հիմնադրման օրվանից Համալսարանը ձգտել է արտաքին կապերի համակողմանի զարգացմանը և իր գործունեության միջազգայնացմանը: ՄՄՀ-ին հաջողվել է համագործակցության պայմանագրեր կնքել ՌԴ բուհերի, ինչպես նաև չճանաչված պետությունների բուհերի հետ:

Մինչև 2020 թվականի պատերազմը ՄՈՒՀ-ը համագործակցել է ՀԿՇՀ-ի (Հարավային Կովկասի շվեյցարական հիմնադրամ) հետ և միասին իրականացրել 13 համատեղ նախագիծ, ներառյալ օտարերկրյա մասնագետների ներգրավումը կրթական ծրագրերի մշակման ընթացքում, մոդուլային ծրագրերի այլընտրանքային դասընթացները, ուսանողների և անձնակազմի միջազգային գործուղումները, միջազգային գիտաժողովների կազմակերպումը:

ՄՈՒՀ-ն ունի ուսանողների հավաքագրման, ընդունելության հստակ մեխանիզմներ և՛ առկա, և՛ հեռակա ուսուցման համակարգերում, գործում են ուսանողների կրթական կարիքների վերհանման մեխանիզմներ: Ուսանողները խնդիրների դեպքում դրանք բարձրաձայնում են նաև համապատասխան ֆակուլտետային խորհուրդներում, դեկանների և ամբիոնների վարիչների հետ հանդիպումների ժամանակ:

Ուսանողներին խորհրդատվություն տրամադրվում է շաբաթական մեկ անգամ, սակայն դրանց իրականացման արդյունավետության գնահատում չի իրականացվել: Կարիերայի կենտրոնի տրամադրած տեղեկատվության վերաբերյալ իրազեկվածությունը դեռևս ցածր է:

4. Փորձագիտական զեկույցում նշված թերություններն առանցքային են որակավորումների արժանահավատ շնորհման տեսանկյունից, սակայն ստեղծված են հիմքեր բարելավումների համար:

5. Թերությունների վերացման ծրագիրը հիմնական ներառում է փորձագետների կողմից տրված խորհրդատվություններ: Ծրագիրն իրատեսական է և իրականացման դեպքում կբերի որակական բարելավումների:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

**ՈՐՈՇԵՑ**

1. «Մեսրոպ Մաշտոց Համալսարան» ՍՊԸ-ին շնորհել պայմանական ինստիտուցիոնալ հավատարմագրում 2 /երկու/ տարի ժամկետով:
2. Հավատարմագրում շնորհելու մասին որոշման հրապարակումից հետո՝ երկամսյա ժամկետում ՈԱԱԿ-ին ներկայացնել փորձագիտական զեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով «Կառավարում և վարչարարություն» և «Ենթակառուցվածք և ռեսուրսներ» ոլորտներում առկա խնդիրներին առաջնահերթ լուծում տալու անհրաժեշտությունը:
3. Հատուկ ուշադրություն դարձնել.
  - Համալսարանի տեսլականի վերանայման անհրաժեշտությանը, այն դարձնելով առավել չափելի և հասանելի,
  - իրականացվող գործընթացների արդյունավետության գնահատման հստակ և չափելի որակական և քանակական ցուցիչներ ունենալու անհրաժեշտությանը,
  - ՄԿԾ-երում դասախոսներին ներկայացվող մասնագիտական գիտելիքների, հմտությունների և կարողությունների պահանջներ սահմանելու անհրաժեշտությանը,
  - հետազոտական աշխատանքների զարգացման և ընդլայնման երկարաժամկետ հեռանկարային ծրագիր ունենալու անհրաժեշտությանը,
  - հաշվետվողականության համակարգի բարելավմանը՝ դարձնելով այն առավել վերլուծական,
  - տվյալների հավաքագրման, արդյունքների վերլուծման և որոշումների կայացման գործընթացում դրանց կիրառմանը,
  - հետազոտական և ուսումնական գործընթացների փոխկապակցմանը, գործնական հմտությունների ձեռքբերմանը,
  - Համալսարանի բոլոր գործընթացներում ՊԻԳԲ շրջափուլի կիրառմանը,
  - ուսանողների մոտ վերլուծական, ստեղծագործական և քննադատական կարողությունների զարգացմանը միտված ուսուցման կազմակերպմանը:
4. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգ»-ի 12-րդ կետի պահանջներին համապատասխան 6 (վեց) ամիսը մեկ անգամ ՈԱԱԿ-ին գրավոր զեկույց ներկայացնել իրականացված գործողությունների արդյունքների վերաբերյալ՝ գնահատելով Համալսարանի գործունեության բարելավումները, նորարարություններն ու ձեռքբերումները:
5. Հանձնարարել ՈԱԱԿ-ին պարտադիր մշտադիտարկել «Մեսրոպ Մաշտոց Համալսարան» ՍՊԸ-ի գործունեության արդյունավետությունն՝ ըստ առաջընթացի առանցքային ցուցիչների:

**Հավատարմագրման Հանձնաժողովի**

**նախագահ**

2022 թ. հոկտեմբերի 31

ք.Երևան



**Ա. Սադյան**